

倚

聲

初

集

倚聲初集卷九

武進鄒祗謨程邛

全選

新城王士禛阮亭

常州孫自式風山叅閱

小令九

雙調整江南

一名謝秋娘  
仙安陽好

又望江梅

江南好

夢游

戲和秋岳

龔鼎孳

華燈畔春眼溜微波小閣名香籠綉帶畫簾人影似輕羅妙處  
不須多癡蝴蝶生就統織蛾玉碾蟾蜍天上夢風憐翡翠座

中歌多事憶鸞韉

古織錦詞藥亂雲盤相聞深此意欲傳  
傳不得必如綺識方許傳此種意味

和遂初韻

苔影綠宮雨長槐芽雙燕也知穠玉樹一杯還許泛流霞醉處  
且爲家。榴蓋豔狂眼絳雲遮緊夢管簫新殿脚惱人風露舊  
宜華明月恨先賒。道經言月有豔野寒婉之喻可費中丞此詞

秋暮

曹爾堪

秋欲暮江水盡生涼。鷗浴似添濤外雪林疎微映菊前黃村屋  
日恒長。初刈獲杭秫半登塲籩起肥螯宜買醉甕傾新酒遠  
聞香一笑舉杯觴。阮亭云學士詞如詩中儲王

春詞

宋存標

燕飛來曲檻畫樓東。蝴蝶已隨芳草碧蜻蜒猶帶落花紅初月

尚朦朧。無端緒。一望晚烟空。繡帶隨身香氣遠。翠鈿壓枕睡痕濃。好夢識春風。  
鮮艷婦人秋士移情之作

驚秋

吳啓思

秋已到。幽恨幾人知。去歲今朝花月夜。人間天上醉眠時。撫景緒如絲。秋露冷。河漢影遲遲。萬事回頭都是夢。一生着意半成癡。何處續相思。  
阮亭云昔人黃昏微雨畫簾垂一篇正相似

夜景

王宗蔚

楓葉落。人靜碧樓寒。水底明霞浮菰芷。階前珠露瀉紅蘭。花影近欄干。銀珮冷。幽徑晚香殘。芍藥風搖連繡帳。珊瑚燭影照銅盤。微月點金鬟。

李慎言夢作拋毬

曲時曾賦此景

小令

本意

王士禛

江南憶。風景柰何春。鵝子蘸絲黃。淡淡鴨頭染。水綠粼粼。帘外杏花村。江南憶。秋氣倍關人。楚塞鴻歸山近遠。吳江楓落雨。繽紛誰道不銷魂。

江南事。纔說便沾巾。兒女能爲三閩曲。鶯花猶作六朝春。小庾賦難陳。江南客。莫惜酒沾唇。畫裏聖檀分暈色。風前人柳鬪。

腰身心力事朝雲。

樂府吳聲歌曲有三閩詞。劉禹錫所作詠陳後主事。所謂珠箔曲。瓊鉤子。細見揚州也。畫

家七十二色。有檀色。婦女眉暈似之花。間詞背人句。檀注西樵山人詩。愁裏眉痕損。聖檀灑上林苑中。有人柳一日三眠。三起見西京雜記。唐詩開倚屏。二詞大爲江南生色。自隋風笑周昉。枉將心力事朝雲。皇白傳來此調得。阮亭更

成絕  
唱

閨夜

董以寧

和郎坐閒話說東家小鴨漫燒宮裏餅香濤滾潑雨前茶春去  
且由他 和郎坐粧卸玉簪斜戲譜新詩題冊葉輕移小盞護  
燈花遲遲入帳紗

真閨中風雅川修閨雜俎  
女洙泗之言覺太板重

病述

鄒祇謨

閒中惱花事恨寥寥狎客群登青雀舫妖姬家住紫鴉橋蕭寺  
獨無聊 閒中好蓬跣任逍遙識字屢呼君子鶴佐觴猶伴美  
人蕉一醉任天高

阮亭云  
逍遙

浪淘沙

一名賣花聲

山中夏

陳繼儒

風雨。寒。非。耳。不。青。青。雙。鬢。捧。着。小。紅。燈。報。道。綠。窗。廊。底。下。蕉。  
月。分。明。枕。簟。覺。涼。生。茉莉。香。清。蘭。芽。新。吐。百。餘。莖。撲。得。流。螢。  
飛。去。也。團。扇。多。情。阮亭云此等存之以見  
前輩風流○字字清麗

晚秋病中述懷

俞彥

牕裏。夕。曛。殘。牕。外。寒。山。沈。郎。不。耐。客。衣。單。多。病。伴。愁。愁。伴。我。我。  
病。相。攙。窗。外。雨。聲。潺。牕。裏。憑。欄。纔。看。春。去。又。秋。還。還。去。都。歸。  
天。上。也。留。恨。人。間。阮亭云李皇天上人  
間四字分剖妙絕

題畫蘭贈孫令修

吳偉業

枉。自。苦。凝。眸。腸。斷。歸。舟。依。然。明。月。舊。南。樓。報。道。孫。郎。消。息。好。楊。  
柳。風。流。花。意。落。銀。鈎。一。寸。輕。柔。生。綃。不。剪。少。年。愁。看。取。幽。蘭。

啼露眼。心上眉頭。李長吉幽蘭露重如啼眼。梁人云：此柳風流可愛。今老折，豈一枝曾憶瀟湘九畹乎。

春夜同秋岳小飲

龔鼎孳

銀燭照柔心。欲醉還禁。珊瑚鈎小掛春陰。煖多情。簾外月玉漏宵沉。鴉語帶宮音。柳色搖金。沈郎銷瘦舊時吟。辜負餘醪真薄倖。瞥眼花深。蔚藍天。上人語。

春恨

陳子龍

關外曉雲生。烟草初醒。一番風雨一番晴。幾度銷魂還未了。又到清明。偏是對娉婷。特地飄零。落花春夢兩無憑。滿眼離愁留不住。悔我多情。可謂鍾隱後身。

憶昔



清淺木蘭舟。春思悠悠。暮雲凝碧倩粧樓。當日書堂紅蠟下。戲與藏鈎。何處問重遊。好景難留。誰家花月惹人愁。總有笙歌如夢也。別樣風流。

阮亭云讀湘真詞覺  
鏤銖字句者之拙

聞春榜口占

錢繼章

往事不堪談。休更憑欄。年華冉冉入吟髯。且喜長安下第日。身在江南。何處較青藍。夢裏邯鄲。曲橋花影覆澄潭。一領烟蓑三尺釣。滿眼春山。

阮亭云無言  
而有畫意

咏夏燕

李雯

小苑午陰長。梅子初黃。三三兩兩過池塘。不管羅幃人倦起。斜入紗窗。細語費端詳。只近迴廊。纔經北館又南廂。啄破海榴

紅欲溜。嫩上雕梁。

阮亭云一幅  
黃筌花鳥

題大兄村居

錢謙振

水水湛清華。有個山家。柴門開向綠谿斜。茶竈未安亭未穩。先種梅花。春暖看東畝。兼辦魚叉。道傍誰識故侯瓜。夢醒晝長。無一事。放了蜂衙。  
置之渭南集  
中復能辨否

憶昔

宋徵璧

銀蠟一重重。寶鴨香濃。珠簾和月照朦朧。戲賭荔枝翻玉局。愁聽疎鐘。紅林繫酥胸。禿隱芙蓉。綠雲輕與卸金蟲。釵膩鬟鬆。還不整。偏愛飛蓬。  
阮亭云倦梳徐歎  
寶髻鬆那得不愛

秋海棠

宋徵輿

盡日雨冥冥。滿眼青青。斷腸心事亂星星。冷落臙脂如欲語。秋  
夢初醒。玉砌與銀瓶。無限飄零。月斜人跡散空庭。葉是衣裳  
花是面。剩影殘形。舊傳海棠人淚所化。葉如其衣。既亭云無  
花如其面。蓋思婦之魂魄矣。情有恨。月  
冷風清。確是諫白蓮詩此。  
亦字字秋海棠。案不可移贈。

秣陵秋旅

雁字起江干。紅藕花殘。月明昨夜照更闌。酒醒忽驚秋色近。迴  
首長看。零露曉風寒。鄉夢須還。鳳城衰柳不堪攀。木落秦淮  
人欲去。無限關山。既亭云景差  
宋玉之才

戊寅十二月二日過智月禪院晤西瞻上人時天色晴

煥佛堂前紅梅盛開

曹爾堪

喚渡近衙門。信步南村薄綿。今日覺微溫。梅染胭脂先破臘。伴  
佛黃昏。冷淡許誰論。葉甲萁孫。逢僧閒話半無根。斜日一簾  
當戶捲。曝取朝暾。阮亭云如曼陀羅華不妨空艷

別意改洪叔璜詞

王彥泓

花霧漲冥冥。欲雨還晴。薄羅衫子着來輕。解道明朝寒食近。且  
莫成行。花下酒頻更纖手。重增十三絃。昨訴離情又得一宵  
相伴也。無限丁寧。詞筌云此洪作止存三句詞意俱換幾於

軍也○阮亭云此詞洪王二家韻俱真庚通用程邨與余論  
別尤嚴復爲更易三韻如春穀者由精入鑿字字妥確矣

一醉

陳世祥

書室紙爲屏。病嬾嘗荷閒人無事學翻經。折得梅花和雪嗅。片

片冷冷。鐘語坐來聽。身世如萍。向誰白眼向誰青。自造中山。千日酒有醉無醒。

在龍洲龍川

外又創一格

### 春眺

計南陽

萬里一孤峰。落照沈紅。夷吾當日重江東。何處青山人不老。獨恨英雄。黃蝶繞春風。燕子匆匆。旌旗荆楚壓王宮。千古傷心今日也。流水濛濛。

阮亭云低回無限

有歌泣不可之意

### 樓上愁

湯傳楹

無語暮憑樓。烟雨初流。瀟湘一派錦囊收。家在江南斜照裏。心在江州。衰葉向人愁。匹馬孤舟。兩行鴻雁數聲秋。征客酒旗何處也。霜月低留。

展成序湘中草欲呼蘇柳叱王關

爲卿謀頷詞曲此猶見其一斑

懋集

楊繼禮

錦席綺筵重。蘭炷香濃。隔簾鵲喚。秋風六曲。闌干頽玉處。夢到巫峰。

金縷翠雲中。寶髻輕鬆。綠窗月色正朦朧。說到飛觴

傳永夜。怕聽飛鴻。

淺分視北燭剪窗西  
吳歛越艷令人神往

和漱玉詞

王士禛

硯匣日隨身。檢點殘春。橫雲斜月鬪鮮新。昨夜相思曾入夢。香雨香雲。記得醬丹唇。似喜還嗔。醒來惆悵隔仙津。欲識迴腸

千萬轉。日日車輪。

漢人詩醬妃  
用一事必極上  
女唇甘如飴  
選何忠才多

春恨

陳維崧

湘閣餘春。暮靄蘼蕪。玉樓還有艷陽時。縱使人間春自好。悔

我參差。偏是好花枝。特地傷悲。銀屏掩着寶簾垂。問取落紅。深似海。曾見憐誰。  
其年工作情語  
濃澹皆有情色

秋閨

姚袁鑑

未晚預思量。准備愁腸。薰籠香燼怯新涼。野月漸高風漸峭。獨掩紗牕。隻影最悲傷。莫剔銀缸。那堪笑語度東牆。惱得人兒魂欲斷。錯數更長。  
善寫  
秋景

姑蘇懷古

倪晉

把酒試評論。吳市烟昏。當年若個仗青蘋。記得胥臺初突兀。夜夜消魂。誰想苧蘿人。響屧生春。而今憑弔泣芳蓀。唯有蠲鍤光不滅。隱隱齊門。  
阮亭云讀末句如聽胥江半夜潮也

憶舊次覽民韻

俞汝言

芳草倚天涯。幾引流霞。小樓宛轉暮雲遮。記得當時歌舞地。碧  
水梨花。歸路一鞭斜。斷送年華。夜涼無夢越窗紗。酒醒更殘  
燈又滅。春在誰家。

斷腸人遠傷心事  
多言之可爲大息

七夕

董元愷

新月一弓彎。烏鵲橋圓。雲軒縹緲度銀灣。天上恐無蓮漏滴。忘  
却更殘。莫爲見時難。錦淚潛潛。有人猶自獨憑欄。若果一年  
真一度。還勝人間。

平心之論天  
孫亦應首肯

春閨

周振藻

鶯燕太匆匆。旖旎風光。玉梭和淚織流黃。蹙得遠山眉。又淺怕



整殘粧。今夕在何鄉。羅綺餘香空教寶瑟弄初涼。眼底青春  
今去也。花落銀牀。阮亭云字  
字香荷

冬夜宿梅花樓有感

錢理

三徑草平。遮樹老。槎牙黃蘆占盡白鷗沙。空有小寒風。信到不  
見梅花。夜月聽啼鴉也。帶傷嗟。高臺傾處石橫斜。浙浙紙窗  
驚曉夢。吹入霜華。二十四番花信  
殊有坡公高處  
風小寒屬梅花  
不勝寒之致

江月晃重山

初避人

董以寧

幾片桃花。耐而一圍蝶翅。披肩當初生小。在人前游。郎到迴避。  
只今年。飲笑。央人索扇。低眸喚婢。垂簾猶飄紅袖。出屏間。還

偷戲輕踢鳳鞋尖。

阮亭云堂上簾簾  
堂下走有其人否

減字南鄉子

美人四影詞

王岱

夢轉西窗剔盡殘膏。卸夜粧。疑是離魂。同情女。微茫分得。儂身  
作一雙。背解羅裳。阿膝深含。荳蔻香。畧露雞頭。新乳滑。難忘  
隱約。溫柔在那鄉。右銓 阮亭云山長磊砢  
之才亦作詩語

倚檻遲眠。不覺花陰惱亂。偏剛好。成三芳砌裏。輕烟一半。婀娜  
不盡傳。緩側香肩。閒撲流螢。拾墮鈿。彷彿石花裙子。動堪憐。

過盡幽香。卽悄然。右月 山長四影詞俱善繪空中語而  
燈月二影尤勝可謂寫照獨工

一七令

雪

呂 鼎

雪。翅。翔。瑩。澈。舞。瓊。英。飄。玉。屑。驢。背。行。吟。雞。聲。遠。咽。樓。深。芋。火。微。  
林。補。梅。花。缺。漁。翁。釣。罷。江。寒。山。叟。樵。歸。徑。絕。謝。女。庭。前。絮。共。飛。  
蘇。卿。窖。內。遷。同。謫。舉。似。升。菴。可。與。匹。響。

河傳 第十體

題美人早起圖

董以寧

小。扣。輕。袖。衣。香。堪。嗅。推。郎。先。起。再。添。紅。獸。爲。問。茶。糜。開。否。拈。花。  
先。浴。手。學。梳。時。髻。疑。偏。墮。菱。花。座。側。處。疑。添。个。步。蕉。房。對。碧。  
窗。檀。郎。看。儂。新。樣。粧。阮。亭。云。山。盡。溫。柔。鄉。風。味。非。丹。青。所。辦。

四寶帳用孫光憲韻

宗元鼎

花。麝。香。斂。輕。綃。烟。閃。夜。光。螢。點。影。紋。深。院。有。箇。韓。娥。神。艷。隔。幃。  
芳。映。臉。東。都。天。子。江。南。客。河。山。隔。銀。兔。當。樓。白。秋。已。歸。春。又。  
歸。清。暉。輕。魂。帶。夢。飛。迷樓張四寶帳一散春愁二醉忘歸三  
夜酣香四延秋月影紋院十六院之一

河傳 第十一體

桃葉渡訪妓不遇

周遇緣

吾。來。桃。葉。晉。風。流。拉。他。大。令。春。遊。綠。楊。檻。裏。翠。筵。篔。篹。遲。留。春。風。  
十。四。樓。依。約。金。環。來。處。是。他。年。至。已。作。旗。亭。肆。杜。陵。花。苧。蘿。  
紗。星。查。詢。他。賣。卜。家。阮亭云似潘景升  
過長坂橋作記時

河傳 第十二體

丹楊宮用李珣韻

宗元鼎

欲去何處襟吳帶楚情作江流淚成江雨記得桃葉波前青溪  
擁戰船癡情每向繁華結江都別風景長千絕想後庭玉樹  
較繡瓦春風更誰同揚帝禁宮丹楊因亂起使阿廢聞之  
未果選丹楊卽建業也亦當心折

雨中花 第三體

殘梅同秋岳作

龔鼎孳

半捻銀梨雲乍瘦一帶碧欄風欲皺問月似芳魂池憐春影可  
記橫斜候幽磬押簾燈火後霞帳薄寒香透漸花怯籠屏人  
慵倚笛打疊風光漏吹縵一池春水與一帶碧欄  
風欲皺工力各至不妨並美

芳草渡 第一體

偶見

鄒祇謨

朱。鞋。鞞。翠。筓。篔。篋。輕。艷。處。十。三。樓。徘徊。雁。柱。自。微。擗。香。閣。內。繡。帳。  
裏。不。曾。愁。春。如。線。人。似。燕。恨。煞。東。君。作。踐。薰。寶。鴨。倚。秦。箏。綠。  
鬟。膩。紅。潮。淺。越。風。流。

阮亭云險詞難於艷緻  
艷緻而尤停妥技止矣

鷓鴣天

一名思佳客

又瑞鷓鴣一體

於中好

春郊

吳宗達

何。處。春。光。最。嫩。人。青。山。門。外。水。痕。新。馬。蹄。無。力。依。芳。草。燕。翅。多。  
情。撲。軟。塵。攜。斗。酒。伴。閒。身。點。點。飛。花。簇。錦。茵。着。意。流。連。歸。路。

晚一鈞纖月掛城闌

文端相業不減趙忠  
簡詞亦清婉相近

瓶梅

俞彥

淺。渚。明。沙。聚。碧。流。依。然。春。信。鎖。枝。頭。金。徽。昨。夜。初。廢。曲。羌。笛。何。

人更倚樓。朝露重晚烟浮。幾回花外月如鉤。而今貯向。應紗裏。點點寒香入夢愁。

阮亭云風韻天然妙在非西洲隴頭可借

遊仙

吳偉業

絳節霓旌降下方。玉卮娘怨鎖瑤房。桃花阿母勤拘管。流出桃源賺阮郎。紫鳳輦碧霞。觴麒麟爲脯玉爲漿。人間別有黃姑夢。笑把雲和引鳳凰。

絕似曹唐小遊仙諸詩

題畫

宋徵輿

粧束分明是內家。綠雲初結倚窗紗。水晶簾底懸秋月。雲母池中浸碧霞。紅襖小翠裙遮。微風搖颺一鈎斜。無端記得春深淺。獨向空庭數落花。

詞中全見畫意那得南岳喚真真也

題村叟屋壁

補袁黃

袖手春林散翠鬟。莫嫌此地少青山。酒逢社日添酬應。花到開時費往還。松老大竹平安。柴荆雖設不常關。旁人方訝茅簷窄。鴿戶蜂房去半間。

筆墨淡永可謂詞家陶韋

重陽晚眺遇雨

李昌垣

十里平蕪帶晚霞。蕭蕭歸雁宿汀沙。雨。迷。村。外。行。人。渡。花。滿。溪。南。處。士。家。思。在。事。負。年。華。夢。魂。飄。泊。任。天。涯。西。風。吹。換。江。州。鬢。獨。醉。東。籬。數。暮。鴉。

阮亭云致極閒澹此等詞非渭南老人不能作

北固晚眺

錢陸燦

楊柳蕭條水拍天。漁舟落網就人烟。野田一半連魚尾。估客逢



倚聲初集 卷九  
迎換蛋船。南郭璞。北焦先。西風牽到葉紅邊。莫將日暮登臨。  
恨去聽伊家十四絃。

詞境澹遠末  
語殊覺黯然

贈歌姬

管 捷

疎簾曲院。隱嬋娟。玉碾瓊濯露鮮。未舞柘枝先弄笛。欲歌金  
縷且調絃。鶯覩晚燕。燕翩翩。應將傾誤博郎憐。最愁絳蠟消殘。  
處。夢作巫峰一縷烟。

香迎花映  
情見于詞

初夏

吳周瑾

香滿池塘綠蔭濃。淡烟隔浦映新桐。燕拖楊柳堤邊雨。蝶舞茶  
蘼架底風。雲望斷。草連空。笑聲低出粉牆東。朱樓隔岸誰家  
女。閒倚湘簾數落紅。

自然  
娟好

昨夜

董文驥

昨夜銀虬覺未長。合歡離席玉交觴。三聲碧樹留人夢一點珠。  
砂染妾腸。辭珀枕去柔鄉。輕將別况不思量。烏啼山月疎鐘  
後。鳳脰青青冷半床。

阮亭云侍御情艷之作在村  
牧韓佐之間詞手固應爾爾

雪意

曹爾堪

漠漠重雲足四垂。紙窗風靜覺輕吹。水仙怕凍先遮箔。田芋思  
煨待舉。巵前。有句好吟詩。安排險韻寫瓊枝。呼童急往前村  
去。趁此泥乾認酒旗。

阮亭云歐蘇禁體後  
六百年復見顧菴

冬日小集

赤葉樓頭好醉看。高歌一曲笑彈冠。剖香橘柚吳姬手。撮細蒲

菑燕市盤紅袖側易爲歡多情莫厭酒杯殘惟耽杜牧風流  
句不點明犀也碎寒

阮亭云本  
色人難學

### 重陽

節屆重陽覺薄涼閉門消得一杯漿繞籬菊賤先開紫食稻螯  
肥漸有黃城角下小亭荒芟夷秋草受秋暘登高不用茱萸  
袋自有奚奴舊錦囊

自足竹屋西  
樵上乘語

### 春述

柳星

明媚春光艷翠微翩翩雙蝶裊游絲去年此際蕭郎別回首河  
橋事已非深院靜子規啼聲聲腸斷似驚疑樓頭風起楊花  
捲飄入珠簾紫燕飛

似酒  
邊詞

紅窗

賀裳

獨坐紅窗漏漸深。啾啾小犬吠牆陰。青娥暗解歸來速，先取名香熨繡衾。  
簾半啓，月斜侵。燈前含笑解羅襟。今宵一任幃中坐，不用私懷瞰浴金。

阮亭云：元微之小玉上床鋪夜衾，韓致光贖取君王幾餅金，合之雙美。

攤姬

樹影爐烟裊壽簾。銀屏閒倚小嬋娟。初籠蟬鬢宜花壓，未寫蛾眉待筆添。  
吹玉笛，弄腸絃。旋移針線繡床前。朝來春夢情騰處，正在花陰學簸錢。

黃公以宋人燈斜明媚眼汗浹情勝醉爲韻陸所不能着筆演出此詞更覺神

情飛  
動

偶成

孫纘祖

斜枕琴囊數落霞。新移水檻占鷗沙。溪童截曆初收藥。隣叟封泥晚護瓜。澆白酒。看黃花。安排風景當生涯。山僧剛載清泉到。折得松枝試芥茶。

曹松詩渾妙句入詞復佳

### 秋宮

計南陽

金井梧桐一葉秋。冰蟾滴水咽紅溝。支機石上光如雪。長信池中月自流。青雀舞。玉鸞愁。催妝不待景陽樓。三千歌笑皆承寵。猶有蛾眉望玉鈎。

阮亭云亦如宮詞中之有龍標

### 闌咏

黃永

晚掠雲鬟上翠樓。腰肢嬌小不勝柔。明知無夢挑燈立。暗欲窺人趁月遊。新解恨。舊無愁。忽驚語笑却回頭。原來姊妹偏相

惹說起兒郎滿面羞。

余向贈艾菴詩云湘娥昔日成夜半流輝紅開房盛翡翠班管如游龍可想見

其得意  
是鄉處

新閨

宋實穎

南浦驚鴻賦洛神。床前銀燭照佳人。海棠乍濕胭脂雨。荳蔻輕翻蛺蝶春。百寶帳。隱金裙。綠楊鶯鶯畫堂。曉合歡羅勝初裁。剪低喚卿卿。細不聞。  
既庭綺思艷發小詞  
更具迴雪流風之致

郊行

吳啓思

紫陌遙遙走鈿車。玉簫聲裏夢還家。人間一夜啼鶯老。驚起仙人萼綠華。雲一抹。水三叉。呼童閒立數歸鴉。不知曲徑誰家女也。捉溪頭。薺菜花。  
阮亭云不  
似人間語

冬夜

董以寧

欲與歡言礙小姑。捏歡臂上問寒無。由他燈火餘昏穗。推著衣  
裳過暖爐。交膝語。拍肩呼。歡言低處便含糊。小姑佯做癡呆  
態。故把歡言細問奴。  
女友少時。玉此爲誓。一聯于蓉渡。日世  
皆欲殺真才子。我見猶憐是美人。使美  
人見此等詞。決不  
解鄰刀前抱也。

春暮

孫以鐸

蝶麝沉沉燼未銷。流鶯學語坐烟梢。雨梳石甲龍孫路。風撲泥  
香燕子巢。開水榭。展雲翹。銀閨午倦捲鮫綃。閒庭忘却春深  
淺。夢踏殘紅譜碧簫。  
阮亭云。係小時賦柳枝亦有句云。波  
浮碧藻金魚尾。風墜紅翎玉剪巢。

曉粧和戴九韶

任繩隗

纖手難扶半整鬟。曉風欲顛翠花鈿。牙梳掠鬢雲邊。月金鏡觀  
眉水底山。愁不語、念間關。爲臨南浦一憑欄。傷心惹得銀兒  
墜。何處歸人。疊錦帆。

阮亭云：雁情綺骨。  
疑是金荃後身。

燈前花影

董元愷

醒寫精神醉寫容。柔枝無力倚簾櫳。襯將皓月分肥瘦。籠得輕  
烟別淡濃。青鏡畔、碧紗中。蘭膏燒徹轉玲瓏。欲教移入羅幃  
裏。好把紅缸照院東。

阮亭云：故  
是繚紗。

虞山晚泊

錢理

碧嶼丹楓入畫圖。詩舫載月過姑蘇。人從古岸詢鰕妾。帆到平  
沙警雁奴。思越鮪、聽吳歎。遣懷何處覓當鑪。寒烟遠浦星明



滅掉向孤蘆問釣徒

明初席帽山人王逢有蝦蟆岸詩云在常熟

阮亭云條勿喜讀吳船錄山水

細碎處皆可助文心烘

染如鰓妾岸拈出便佳

### 遊西曲

鄒祗謨

彩雲隨處任風飄蓬山不與海南遙紅粧授枕皆雙粲紫電投

壺每百嬌彈月磬奏雲韶天孫帝子盡來朝袖中碧玉新封

事願築銀河烏鵲橋

阮亭云湯子并作文簫彩鸞圖有州雲縹緲之狀不知視此何如

### 三五女伴

小閣香風縹紫綃女郎三女趁春驕紅么下于爭雙陸尺八低

吹和六么知有恨總無聊句裁金剪近今宵東隣姊妹都歸

去獨把朱唇暖玉蕭

阮亭云畫屏金屋情事宛然

虞美人

春色

吳鼎芳

海棠不礙窗紗影。鬢髻鴛鴦領。繡繡吹落唾花紅。但覺餘香一點。裊晴風。柳眠無力輕烟惹。春色撩人也。舞衫閒搭畫欄邊。日暖融融好個洗頭天。

阮亭云傳稱疑艾游茗溪汎碧浪湖入火山漾風清月自苦吟清臈往返

二十日僅得絕句一首先輩風流應不似時流浪費筆墨

同內人湖舫送春用秋岳泊京口韻

龔鼎孳

春光九十原嫌窄。閃殺飄零客。啼花淚逐水東流。且載銀樽綠鬢盡情遊。千山罨畫吹紅霧。却改離亭路。長條攀折一番新。

囉付明年還傍可憐人

一在情深

倚聲初集

卷九 小令

去

禮佛

董斯張

救闌鸚鵡閒相尋。念出彌陀字。雙行纏拜梵王前。但見水泥香  
嫩博山烟。餅留第一泉。來供花散黃梅凍。他生若得在西天。  
願與蕭郎做個並頭蓮。

阮亭云與小青  
精首慈雲暗合

映水

不曾認得春江水。自道嬌無比。照來自問妾如何。但覺澄波爲  
眼。眼爲波。晴濤微颭釵鬢曲。看殺心難足。君情倘得似春流。  
也有玉奴眉。眼在眉頭。

阮亭云巧極無刻  
畫之痕故是絕調

鏡

陳子龍

碧闌囊錦粧臺曉。冷冷相對老。剪來一片小清波。容得許多憔悴。

悴暗消磨。海棠一夜輕紅。何事教重見。數行珠淚。倩他流。  
莫道無情物也。替人愁。  
咏物至湘真真有  
鏡花水月之妙

初夏閨詞

宋徵璧

小池吹縹水紋淺。淡綠新荷卷。畫長人靜翠屏閒。惟有多情雙燕。畫梁間。  
香肌不用薰金獸。削玉身材瘦。瑣窗銀剪一聲聲。  
爲愛生綃疊雪五銖輕。  
阮亭云裁雲鏤雪  
近在廣平一家

咏春雨

李雯

廉纖斷送茶蘼架。衣潤籠香罷。鷓鴣啼處不開門。生怕落花時  
候近黃昏。艷陽慣被東風妬。吹雨無朝暮。綠絲只欲傍粧樓。  
却作一春紅淚滿金篝。  
阮亭云得  
春雨之魂

風情

宋徵輿

無。星。無。月。無。風。夜。香。露。襟。前。瀉。瓊。臆。寶。線。兩。重。重。忽。透。明。燈。一。  
線。玉。顏。紅。嬌。花。弄。影。愁。經。雨。怯。盡。當。春。舞。五。更。不。語。吐。幽。蘭。  
此。際。雲。深。巫。峽。幾。時。還。

三無說風情幽倩之極○阮亭云神光離合乍陰乍陽寫得悄悄不交

黃湖積霖正理歸棹

陳世祥

千。紅。萬。紫。剛。裁。就。花。事。家。家。有。惱。人。無。奈。雨。和。風。何。日。杏。花。深。  
處。月。明。中。鳴。鳩。不。管。人。愁。絕。鵲。鴉。頻。頻。說。春。泥。滑。刺。雨。如。簑。  
况。是。風。狂。行。不。得。哥。哥。

阮亭云用會語幽致

村居

曹爾堪

綠。楊。青。草。春。生。處。疑。有。高。人。住。芒。鞋。不。惜。破。蒼。苔。爲。看。譚。某。日。

日倚筇來。依稀避世桃源僻。城市何曾識。茅廬也有貼居隣。  
剛是半移耕。叟半漁人。後人當有問津者

燈下題書尾

賀裳

紅燈攤罷挑金穗。殘墨磨清淚。想伊此際正歡娛。又倚曲欄深處暗長吁。  
心期難倩人傳說。那更鱗鴻絕。綠楊紅杏是儂家。倘有夢魂來訪。莫爭差。  
阮亭云幻覺

春曉

沈際飛

堦前嫩綠和愁長。坐憶眠還想。飛紅破夢似相憐。起望小林殘夢損容顏。  
雙鶯又向愁人絮。春也知歸去。箇人只是不歸家。生却楊花。心性落天涯。  
阮亭云濟南女郎琅玕有句云自憐身似楊花願向天涯情死與此語同

意反各  
極妙致

賦虞美人花

魏學濂

君王羞見江南歎何事儂來此最悲亭長古人風載得一艘紅  
淚過江東江東父老深憐我栽得千千朵至今留取好容顏  
爲問重瞳却復向誰看

阮亭云本自涼  
壯寫得悽艷

前題

卓人月

大王絕世之英。勇才子。而情種悲歌。數闋。羽聲高。那得紅顏不  
隕。尚須刀。史遷更不書。姬死。剩與評花史。要之虞也。幾曾亾  
試看情條意。蓋萬年香。

太史論贊○阮亭  
云剛宜大書特書

前題

劉芳

花間花落與亡譜。露染嬌啼乳。可憐亭長載孤舟。不識名花一  
網付東流。桃源不遠漁津口。寄得一枝否。後人倘有問津來。  
說箇不知有漢亦悠哉。

阮亭云偶然  
巧語解人頰

前題

徐士俊

崔家處士園中見桃李芳魂現。可曾邀汝作花王。趁此月明風  
細說興亡。雅州一望漫漫路。是蜀而非楚。波心菜也解含愁。  
難道花間花謝不知愁。

奇想  
層出

前題

董升

東風醉舞嬌無力。不吹人顏色。爲誰紅雨滴年年。爭似漢宮楊  
柳日三眠。花飛夜夜鶯啼曉。一樣春容好。帳中倉猝別離卮。



願得移根長傍合歡枝

咏物木色語○此題浙東諸君作者各有十首爭奇鬪巧甚者如薛能唐

彦謙別賦亦龍子爲快筆集故不多  
載以見詞詩詞論俱非本色至處

王正四日雨

計南陽

東風昨夜梅花瀉又送春來也  
鷓鴣啼去夢難成却怪一聲帶  
雨一聲晴  
相思只盼金塘滿嫩柳青  
還淺從來風雨舊西樓  
偏我春魂銷此最難收

流商激楚  
音調凄然

楊白花

春宮一去無消息紫燕空如識  
當年婉轉上林枝回首那堪風  
雨鳳凰池  
秦關蜀道知何處杜宇聲聲暮  
如何流水也無情  
不放浮萍一點到江城

阮亭云不戒柳柳州  
哀歌未斷城鴉起

席前贈歌妓

徐石麒

狂奴不愛杯中酒。只愛擎杯手。殷殷小語聽鶯聲。說道一分清。酒十分情。新歌半折香喉媚。消得今朝醉。摩娑倦眼向人時。

那更笑持紈扇索題詩。

阮亭云：僚最喜女郎。姓青蛾。詩當爐。小婦半邊面。一勻清泉能醉人。與此

詞一說盡一不說盡各有其妙

晚思

韓范

曲雲飛盡寒南浦。愁絕西陵路。斜陽半落暮山紅。簾捲一天新。露畫樓東。蘭闥淚落沾金縷。不鎖情來去。可堪回首又西風。今夜相思千里月明中。

一簾晴雪捲楊花。可與簾捲句並傳。

憐病

尤侗

病魂纔別書帷去。又借香奩。任恹恹瘦骨。怯春紗。猶向藥烟影裏。問殘花。曉來強起粧臺。立攬鏡。愁眉窄。侍兒且罷掠雲鬢。恐怕春風多厲。不勝寒。

深怜淺惜如在筆端。

阮亭云似還魂記中語。

訪譚玉芝較書值曉粧未罷

黃永

飛瓊小字誰拈破。何事人間墮。春禽幾度喚難前。又怕東風且下水晶簾。青螺未挽濃雲鬢。香入菱花小。知伊新恨在眉頭。只是對人強說不曾愁。

阮亭云諱

處正深

有懷

程光禔

床前燭與燈花話。夢索將離債。去年正是這般時。正是這般時。而今却恨無雙翼。直恁難將息。破窗風咽若爲呼。

風咽若爲呼我字含糊

疊句法聲情頓挫獨絕○  
阮亭云寶家樓上之餘巧

和李後主

王士禛

杜鵑庭院春將了。斷送花多少。幾層楊柳幾層風。總付銀屏金  
屋。夢魂中。合歡枕上香猶在。好夢依稀改。迴環錦字寫離愁。  
恰似瀟波不斷入湘流。

瀟湘字破用佳○舊思榮  
廻如春路遊絲悠颺空際

本意

拔山蓋世重瞳目。眼底無秦鹿。陰陵一夜楚歌聲。獨有美人駿  
馬伴平生。感王意氣爲王死。名字留青史。笑他亭長太英雄。  
解令碎陽左相監宮中。

史記呂后以養食其爲左  
丞相不治事令監宮中

陰陵二語  
足令憤王

氣盡亦令

憤王氣長

春景

王宗蔚

東風菴芷平川繡。鬢影庭陰瘦。梨花搖蕩小池塘。回首流雲如  
夢墜。蘭房。瑤臺碧樹籠烟霧。門掩櫻桃暮。淡黃垂柳拂金屏。  
早被艷陽零亂玉釵橫。

阮亭云若顏曼  
聯絕世獨立

鏡

陳維崧

起來炯炯星眸曉。隔著銀屏悄。菱花斜照玉容清。分付一江紅  
淚點春水。繡簾顛倒。傷春懶。憔悴羞伊見。朱屏半啓怯梳頭。  
最是碧澄澄處費凝眸。

阮亭云朝淚鏡潮夕淚鏡沒被  
陽羨生一江紅淚九字括盡

臨風寄語

董以寧

花陰空覆鴛鴦寢。寒入紅衾凜。早知好事付秋風。何似當初索

性不相逢。聞伊別後思量意。竊自沾沾喜。累伊憔悴。倍心傷。  
又望伊家。索性不思量。

阮亭云言情  
處入木三分

擬艷

沈雄

眼期心諾常凝佇。簾幕深深處。花間鸚鵡杳無聲。祇恐添香送  
茗有人行。橫波斜覷金釵溜。不耐和羞走。偶擡皓腕挽濃雲。  
又罵春風吹動石榴裙。

非有情人  
泣寫不出

答索扇

鄒祇謨

玉奴立向風前倦。自把新團扇。上圖蛺蝶下鴛鴦。但願從今懷  
袖鎮雙雙。宵來莫把流螢撲。長羅紈輕薄。權教收拾避秦篝。  
不道許多冷暖到紅樓。

阮亭云程邨答索扇索扇諸闕  
風流清媚覺前人十索未工

迴文

俞彥

悠悠碧海青天遠。目極愁山淺。畫眉人去恨恹恹。挽惹嫩絲垂柳舞前簷。疑銷漸燼芳蘭麝。掩淚亭皋下。月隨雲澹晚窗晴。柰可懶粧濃鬢黛。竹輕。

是從若蘭機上來者

玉樓春 一名惜春容

秋怨

沈自炳

盼盡玉郎離別處。空剩紫騮芳草路。年年同嫁與東風。只有小樓紅杏樹。愁病恹恹魂欲去。一霎芭蕉寒響聚。空嗟薄命玉容人。值得數聲秋夜雨。

阮亭云絕唱掩卷讀之以爲今人者鮮矣。○誦未句忽令人憶阿甥昭春

瓊章若虛婦倚情當午欲爲波墜

秋思

李 斐

西園剩有黃花蝶。南浦驚飛紅杜葉。秋來獨自怕登樓。聞却吳  
綾雙素襪。亂鴉啼起愁時節。料峭西風渾未歇。兩行銀葉十  
三絃。彈破梧桐梢上月。

阮亭云  
古艶

密怨

程 爵

霜風簾外吹衣薄。寒月侵人來綉閣。昨宵嗔恨幾多般。今夜燈  
前渾付却。雙雙紅淚君邊落。我不負心君也莫。從前負我百  
千回。難道從前都是錯。

此魯直最得意處不  
善學者漫成巷曲矣

補辛稼軒山陰索酒

馮達道

從教屐齒侵殘雨。只望杜鵑紅影去。芽簷當水不爲村。山鳥喚



人方得路。幽情未肯。聽詩句爲乏酒。鱸醉處。憑將折柬寄。  
詩索乞取台符。移題部。

補稼軒卽似稼軒當不爲岳亦齊所指

閨思

討南陽

子規啼遍楊花路。緘淚雨情無寄處。君如南浦往來潮。妾似西  
陵朝暮雨。當年祇恨傳金縷。何必相逢成別苦。夜深蜀國十  
三絃。紫女青皇私自語。

阮亭云如潮似雨本前人所有暗用絕妙

踏青

沈雄

誰向禡裊深處倒。玉柔花醉春殘了。此時春夢落誰邊。天便有  
情人漸老。草萊羅襪蒼苔遠。花觸金丸紅雨少。朝來生怕倚  
闌干。滿眼離愁歸合早。

花觸金丸故是麗句偶借自蓮却此竹筒箋體當不下玉林也

木蘭花令

寒食

陳子龍

愁殺息息春去早。又恨恹恹春未了。羅襪痕輕。映落花。玉輪碾處。眠芳草。當日香塵歸後杳。獨立斜陽人自老。不須此地。怨東風。天涯何處。消魂少。

阮亭云無地避消魂良亦苦矣

代客答女郎

李雯

角聲初展愁雲暮。亂柳蕭蕭難去住。舴艋舟前。流恨波。駕鴛鴦。上相思路。生分紅綬無人處。半晌金樽容易度。惜別身隨南浦。潮斷腸人似瀟湘雨。

阮亭云此潮此雨與計于山鏡妙然下句自妙于上句

曉景

賀裳

簷牙微雨瀟瀟滴。驚起朦朧窗半黑。潛歸私喜没人知。只愁去路香泥濕。行來屐齒傷苔碧。斂袂迴觀心暗惕。那知宿鳥恰翻枝。亂紅飛下遮鴛跡。

阮亭云爲復翁言爲復有謂何文心遂至于此

步蟾宮

秋意

曹爾堪

木犀香吐金英細。碧水呷金風如洗。高樓一夜對嬋娟。髣髴在廣寒宮裏。疎風淡漢無纖膩。坐漸覺露華微泚。頰桐葉底關鵝鴉空攪亂。花陰滿地。

如陳道復寫生一花半葉自能傾動群類

倚聲初集卷十

武進鄒祗謨程邨

全選

新城王士禛阮亭

海鹽彭孫適金粟叅閱

小令十

南鄉子 第三體

咏牆外春

王 衡

午日暈紅椒。流白天絲任意飄。酒幕香車東去了。聊蕭燕子，御  
花坐淺巢。茂苑更春饒。柳葉蘆芽月滿橋。席底人人應念道。

櫻桃刺得鶯殘雨。又敲

杜詩楓樹坐後深。又

一坐字通

黃鶯並坐交愁濕。首生色

莫愁湖櫟括林初文詩

俞彥

湖上好花株。花好花殘總是奴。夫是沉沉湖底月。虛無一在蕭  
關一在吳。愁月月全孤。說與愁花花向隅。愁月愁花愁欲死。  
糊塗是誰題作莫愁湖。

阮亭云僕在秦淮亦有句云年來  
愁與春潮滿不信湖名尚莫愁

憶舊

熊文舉

秋色集颿檣。一帶傷心路渺茫。記得郵亭曾繫馬。斜陽人在紅  
樓倦晚粧。往事隔星霜。門巷惜惜砌草荒。崔護重來應不改。  
凄凉燕子呢喃話短長。

倚迂往復  
寄托自深

宮怨用雪堂韻

龔鼎孳

槐影落宮牆。寶瑟瑤笙恨杳茫。負了多情簾外燕。昭陽不見臨

春鏡裏妝。月裏問懸霜。遼后臺邊鈿粉荒。玉漏不知金井換。  
悲涼只記長門一樣長。

融少伯仲初爲  
一手宮怨絕調

子閒納雙寵戲贈

錢繼章

茉莉晚涼天。角枕橫施壓鬢蟬。郎似西陵潮有信。誰先妾似初。  
生月半弦。旖旎若爲憐。不辨巫峯與雒川。妾似芙蓉花上露。  
誰妍郎似荷珠到處圓。

阮亭云舌上  
有青蓮花

冬閨

陳子龍

花發小屏山。凍徹胭脂暮倚闌。添得金爐人意懶。雲鬟爲整犀。  
梳玉手寒。儘日對紅顏。畫閣深深半掩闌。冰雪滿天何去也。  
眉彎兩臉春風莫放殘。

湘真詞意長于筆每一調  
中定有數致語可供沉諷

春寒

小院雨初殘。一半春風繡幕間。強向玉梅花下走。珊珊。飛雪輕狂點翠鬟。淡月滿欄杆。添上羅衣扣幾番。今夜西樓寒欲透。紅顏。黛色平分凍兩山。

黛色句雕琢極矣。而無刻畫之痕。

花朝鄉思

吳剛思

風雨一聲消。淡日收寒染柳條。又是鵝黃芳草綠。東郊。群鳥啣晴出小橋。菜麥長新苗。天外風箏聲漸飄。猶記故鄉遊冶處。花朝。杏煖紅樓絕樣嬌。

五載雅麗修蟾清。婉花朝詞中敲手。

秋病

宋徵輿

霜露染空簷。冷透羅衣著意添。扶起倦魂如帶夢。厭厭倚枕看。

人開鏡奩。愁過小眉尖。忍不傷秋病。又兼更有一卷腸斷也。  
織織淡月黃昏。風滿簾。暮病態入情。描風繪影。追魂溼魄之筆。

冬閨

李雯

斗帳欲溫香池上。水紋樓上霜半。卿綠雲無意。綰思量。翠袖深  
深玉指長。斜日又西黃。窄銀屏小洞房。折得梅花和影瘦。  
清涼簾外風高。斷雁行。不言冬閨而寒意自足。僕有絕句云。金筋撥仄閒對坐。怯寒猶自倚熏籠。

自憎寒  
態矣

客中

于儒穎

容易抱離憂。更被無端惱未休。何日西窗同剪燭。從頭。訴與閒  
宵淚暗流。猶自強淹留。魂斷須知不自由。便道相逢還有恨。



溫柔相守何妨日日愁。

阮亭云與龍輔同

戶恒相憶并妙

冬景

賀裳

簪。彈。伴。寒。屏。雪。壓。紅。樓。睡。起。遲。窗。外。蠟。梅。香。暗。遞。開。扉。自。摘。侵。簷。半。綻。枝。檀。枝。仿。金。卮。醉。索。蕭。郎。另。譜。詞。頻。向。朱。唇。呵。象。管。

相。贈。不。覺。那。毫。染。口。脂。

阮亭云香奩佳事未經拈出○想張麗華在望仙閣上用硃紅小箋試東

郭魏毫筆答江令璧月詩時有此光景

秋窗獨宿

李昌垣

風。急。透。疎。檣。翠。帳。香。消。夢。乍。驚。獨。擁。寒。衾。疑。是。客。淒。清。露。冷。桐。花。月。滿。庭。四。壁。亂。蛩。鳴。古。寺。鐘。聲。半。夜。燈。偶。憶。舊。時。今。夕。約。傷。情。起。弄。秦。蕭。曲。未。成。

宛宛清清聲情澹宕

初夏綠陰可愛庭宇幽閒得一首

曹爾堪

浴水燕飛忙。門外長溪碧繞塘。柳暗柴門遮屋角。隣牆。又見梧  
陰過草堂。風動落花涼。樹樹新濃單曲房。中有烏巢渾不見。  
鴛藏爲孔雙。攤覺晝長。

阮亭云輒作羨  
皇上帝人之想

冬曉

賀裳

鸚鵡嬾梳翎。巧學人間喚小名。昨夜蠟梅花凍了。零星織手敲。  
冰出膽瓶。初旭暖芳屏。卷幔重重酒半醒。枕上高吟詩句好。  
消停惹得鴛髮閣繡聽。

阮亭云想見  
卿康成家婢

春愁

尤侗

紅雨曉闌珊。寂寞梨花淚未乾。飛絮滿庭人倦起。偷憐。盡日鸚

鶉話夜寒。巫峽夢雲單。懊惱春光一半殘。索性閉門推却去。  
孤眠獨讓東風自倚欄。  
真小開罵春風一  
愁一性各見婉媚

春雨

計南陽

鶻尾勝香消斗帳芙蓉憶。夢遙暗裏春光拋擲也。瀟瀟十里銀  
塘接暮潮。聽去最蕭條。簾外梨花盡日飄。蝴蝶欲來來不得。  
無聊閒把心情付玉簫。  
紫簫吹去翠羽浮來  
未免有情誰能不嘆

初夏

曲院午陰長。槐柳高疎小。簾涼盡日蝦鬚垂。不卷飛揚乳燕雙  
雙玳瑁梁。往事暗思量。紈扇渾疑漢殿香。誤我春光三十度。  
心傷兩點青蛾鎖夕陽。  
婁婁戚戚如

閔鳴咽之音

村行

陸淮

迢迢水雲鄉，飛落西風樹葉黃。  
幾曲板橋人過少，斜陽晰晰蛩聲。  
徧草塘。禾黍晚烟涼。  
一字寥天雁影長，徑竹籬花村步遠。  
幽香家在青帘酒舍旁。

竹籬茅舍芒鞋藤杖一  
甌一勺幽景恍然在目

咏闌干

陳維崧

玉樹颺西東，染就胭脂帶雨濃。  
爲近朱樓常墜水溶溶，早被湘  
文覆冷紅。人靜繡簾重，門外金鞭信不通。  
不敢望人依翠袂，朦朧殘月多情伴曉風。

阮亭云爲近朱樓常墜水寫照妙絕  
殘月曉風一取錯綜便使柳七不得

獨盪

春夜客荆溪，飲落梅下聞笛聲作

史鑑宗

過雨破同雲、新洗天邊玉。一輪淡點玉樓開、玉扇無塵、玉笛聲中倚玉人。一色玉光勻酒盞、風流起玉鱗。可惜玉枝剛瘦盡、紛紜滿地餘香展玉茵。

叠用玉字似  
簡文春日詩

西湖感舊

鄧漢儀

多感是蕭娘、蘇小墳頭擁畫牀。更有柔條風裏見、梳粧引得吳兒愛、夕陽誰使訂鴛鴦。一別嚴灘脫繡裳、曾向板扉通姓字。蒼茫魚磬依稀出粉牆。

阮亭云引得吳兒  
愛夕陽無端入妙

踏青

陸 凝

花撲曉窗明、粧淡春濃不奈行。蝶翅敲晴香力軟、輕輕纔下芳。堦拂鬢迎、拾翠薜遊程。紅豆曾拋柳外鶯、深院誰家烟樹隔。

亭亭吹出鞦韆笑語聲

阮亭云籤  
晴甚新

閨曉

王士禛

小婢弄香奩。宮餅籠中幾個添。細雨如塵人乍醒。纖纖榆莢絕。牆水半淹。曉漏報瓊籤。鸚鵡驚寒促下簾。愁鎖眉峰慵對鏡。

厭厭空說吳娘笑。是鹽

前人詩云顛狂楚客歌  
成雪娥媚吳姬笑是鹽

詞統評弁州  
甘草子詞云

元美貴終日無事將精神時時于情艱上體察料理乃參微  
入彀如是今阮亭原情晰景更加精透豈亦終日無事耶

鵲橋仙

第一體

一名鵲橋仙令

又廣寒秋

七夕立秋

葛一龍

月眉新畫雲衣初剪。無暑香肌似洗。七襄機上帶秋來。借一葉梧桐報喜。星滅炎光。河增金氣。烏鵲橋成還未。人間只說隔。

年期天上是隔宵而已。

老手不作艷語泰黃雨詞避其超洗

晚齋

吳偉業

園林晚霽。池塘新漲。明月窺人飄渺。萬木陰森。穿影過。驚噪起。一群山鳥。織雲暗度。銀河斜轉。露濕桂花香悄。少年此夜。不須眠。把鐵笛橫吹到曉。  
阮亭云祭酒長調極意稼軒此處乃似東坡

樓晤用向蕪林七夕韻

龔鼎孳

紅牋記注香麝。勻染生受。綠蛾初畫。挑琴擘阮。太多能自寫。影養花風下。月低金管帶。飄珠席兩好。心情難罷。芳時不慣。是烏啼願。一世小年為夜。  
阮亭云詞至此是追魂攝魄手段公擅詩柄又欲抽秦柳五花簾耶

感悟

董斯張

名姬駿馬劍花書。旆都交付芭蕉聲。裏十年強半白髭鬚。只破  
屋數間而已。兩頰紅暈。一床蘆絮。吸盡西江之水。閨中教我  
覓封侯。笑謝印。卿其休矣。都字 善學辛稼軒。阮亭云。選周  
伏枕咯血。猶日鏤鉢腸胃正。  
如李長吉嘔出心肝乃已。  
卽此闕何減渭南老人。

代寄修微

夢咽金屏推。纈箏雁閉坐孤山。杏雨水仙祠。昨那人逢剛認做。  
梅花一樹。楚客秋招魂。粘葉去。曲罷湘靈無語。小孤山占大。  
孤青問何似。似鹵冷舊路。  
阮亭云。草衣道人。有潔癖。山水癖。往  
往扁舟往來。若晉西湖之閩水仙祠。

昨十四字孤冷  
閒觀可謂傳神

別恨

李長袍



孤燈未了珠簾初下。惱煞舟人催破多愁。不耐五更寒。又數着  
晨星幾箇。銀河欲沒。金雞又度。漸覺輕裯難臥。縱然寄得一  
行書。有幾許。雲山折挫。

丁學欵曲楚楚可憐。○阮亭云好。

七夕

黃咏

雲幃乍捲。月瑞初飾。想是相逢時節。一年三百日。相思怕會面  
依然羞澁。今宵迎晤。明朝送別。烏鵲橋邊獨立。不如索性學  
姮娥。拚夜夜。廣寒孤寂。

阮亭云。義山詩。姮娥應悔偷靈藥。得非羨織女黃姑耶。

七夕

尤侗

玉鈎畫燭。金風簫鼓。迎送鵲橋雲雨。鴛鴦債欠許多。磨着意去  
今宵重補。才郎乞巧。佳人穿纓。凝絕不知非。苦夜深。紫府懸

雙濃那聽得人閒私語

觀此則乞巧文與友乞巧文真屬多事

清明

彭孫通

烟蕪瀉浪晴川鋪練。一陣風來吹皺。韶光百五禁烟時。又過了幾番花候。天桃染草。垂楊添線。萬點春光泄漏。口噙紅豆。寄多情爲誰把相思管透。

紅豆名 阮亭云雙關妙絕 相思子 齊梁樂府之傷

催高蒞若赴吳園次長安甥館

宗元鼎

春波似碧春光如繡好看長安桃李。又云攀得桂花枝。方步入姝娥宮裏。三條燭盡。八叉韻就。早賦鳳樓蕭史。倘詢月下檢書人。說催促溫郎才子。

王邛榜下催粧詞云行到紫薇花下悟身非凡客蒞若以復檢書人何如

催粧客到賣花人。到都說何郎如粉。蘭缸焰裏乍偷看。幾欲賜  
閨中湯餅。呼郎新字。怪郎新字。抄襲眉山。因恁鴛鴦社裏面。  
分題纔信道。才名相稱。阮亭云此新婦殊可畏

客懷

鄒祇謨

輕煖輕寒不晴不雨。辜負韶光九十。落花飛絮兩無情。仗千尺  
遊絲作合。塗抹東西。飄零南北。從此荷舟一葉。夢回始覺未  
歸人恨一點。窺人明月。阮亭云片幅中極才人之致

雨中花 第四體

咏美人剖蓮

趙進美

百尺寒泉清午暑。喜色映銀盤。堪數看。綉帶猶存。碧房初破。紅

甲。攀。水。乳。微。動。金。鑲。嬌。不。語。剩。嫩。惹。猶。存。青。縷。試。戲。取。郎。喚。  
回。眸。一。笑。應。識。中。心。苦。  
阮亭云鑲括樂  
府極是天然

海棠

周季琬

欄外濕紅嬌欲滴。多因睡足渾無力。看徑字青齊。池紋綠皺。猶  
有輕寒過。最妬朝霞分艷色。任暮雨絲絲如織。歸燕啄餘香。  
留連枝上去。歲曾相識。  
阮亭云謂花鳥  
無情吾不信也

春暮

魏允札

春事闌珊春意惱。生怕是情花語鳥。看桃浪流紅。柳烟凝綠。枝  
上青梅小。踏遍東風城闕曉。數不盡巾茶衣縞。便恨惹遊絲。  
情縈飛絮沒箇人知道。  
雨送閒愁烟紫孤  
悶是末三句意境

夜行船 一名明月棹孤舟

本意

董以寧

青雀舟來新水瀉。正懷人、嫦娥欲下。慧山浜裏，黃埕墩前，游子最宜今夜。隣舫蟬紗窈亞。風過處、微聞蘭麝。又還聽、說月華將近，多半倚欄看也。

一氣如話喜  
其不近元劇

春去也

春怨

陳世祥

怪來春不知人聚。知道將歸，收拾春同去。可憐全學薄情郎。處處園林留不住。只有蝶兒相領。幾采落花猶護也。應念著寂寥人時常。一到簾前路。

無聊語偏  
說得有情

採蓮子

次皇甫松韻

張杞

曲苑新粧照綠波

舉棹

池塘睡鴨出遊遲

少年

棹歌碧沼秋容倩

舉棹

驚起雙雙白鳥兒

少年

六月芳堤冷覺秋

舉棹

巧姿佯笑翠如流

荷珠滴盡芙蓉袂

舉棹

紅褪香銷看欲羞

少年

與皇甫松  
工力悉敵

河轉 一名河傳十三體

調粉餌餵金魚

鄒祇謨

初霽梅雨紫苔綠  
荇小山曲渚丹魚  
餓矣搓得粉香半  
黍向清波付與  
防他翠鳥輕沾羽  
雙鬟語種箇芭蕉  
樹細數紅鱗小  
燕爭泥墜處惹雙  
雙過去  
阮亭云體物妙處從  
柳子厚小記得來

醉落魄 一名一斛珠

九日

劉崇嗣

秋光深也。要歸歸去。何時節。菊花開得愁心絕。誰插茱萸曾否。思量者。叶 孤衾不耐更深咽。蕭疎樹影窗前送。此時有夢歸。

新月小坐西軒。細把離懷說。

阮亭云。司空忠而被謗三年。請室故寄託多半愁。侘侘之詞。

題芍藥川張于湖韻

熊文舉

圍紅蘸綠。一抹明霞嬌似束。等閒莫遣眉嫵蹙。愛惜金鈴怎禁風。靈毒。相思銀燭高燒燭。關珊舞破山香曲。重來暗記題門熟。點碎蒼苔尚有凌波蹴。  
押險韻風致天然山谷于湖來當以二侍郎稱最

前題

龔鼎孳

勻朱襯綠碧闌干。瘦繁香束。楊妃印酒。春山蹙。央託金鈴。迴避遊蜂毒。沉香亭北。嬌姿獨。明霞籠定。胭脂曲。東君着意。便恁。熟舞罷。留僊繡襪。當風蹴。

字字險麗  
巧不費力

春閨風雨

陳子龍

青樓繡句韶光一半無人見。海棠夢斷前春。怨幾處垂楊不耐東風捲。飛花狼籍深深院。滿簾風雨。鑪烟篆。黃昏相對殘燈面。聽徹三更玉枕。欲將遍。

宋披香閣中有玉牌。鐫宮人詞云  
一把柳絲收不得。和風搭在玉闌

下直與幾處垂  
楊二語參看

春閨風雨

花嬌玉暖。鏡臺曉拂雙蛾展。一天風雨。青樓斷。斜倚闌干。簾幙



重○重○掩○紅○酥○幾○點○櫻○桃○淺○碧○紗○半○掛○芙○蓉○捲○眞○珠○細○滴○金○杯○  
軟○幾○曲○屏○山○鎮○日○飄○香○篆○  
鍤金珠玉中自有眞色生香之妙

望月

趙進美

木○岸○小○院○碧○雲○夜○靜○孤○輪○滿○亂○紅○送○影○湘○裙○展○六○曲○屏○山○翠○幙○  
深○深○捲○麴○塵○襪○薄○苔○痕○軟○畫○樓○咫○尺○清○光○遠○水○沉○香○盡○歸○仍○  
嬾○繡○被○人○寒○不○共○金○鳧○爨○  
何必碎寒屏始有暖氣耶

春閨風雨

宋徵輿

無○人○到○處○未○開○紅○杏○先○飄○墜○遠○烟○着○樹○生○千○縷○掩○映○窗○紗○不○見○  
相○思○路○落○花○難○向○金○溝○任○一○江○紅○淚○流○將○去○鷓○鴒○聲○急○催○天○  
暮○料○得○黃○昏○枕○底○愁○無○數○  
阮亭云卷獨得情宋妙于陳矣

晚景

程 穉

平蕪塗燒高低一帶連殘照林疎葉墜經風耗短笛橫吹牧子  
騎牛到歸鴉次第爭棲噪荒陂古寺寒鐘報漁村晚市谿聲

關薄暮柴門一杖閒支眺

阮亭云  
開澹

寒食

計南陽

烟輕霧弱新梳燕尾脚花掠梨雲點淡隨青幕薄綺疎檻獨倚  
瑤池閣鬪雞臺呼何消索韃鞞影裏紅塵薄香泥玉勒聲飄  
泊鳥啼人散細雨櫻桃落

阮亭云子山詞別有香氣  
前身當從衆香國中來

閨情

張天湜

幾番疎雨寒威又早欺金縷閒遮繡幕圍鸚鵡架上沉吟欲向

愁人語。旋弄秦箏移雁柱。重重幽怨翻新譜。一經春去花無  
主。記得年時碧草迷南浦。

昔人詩云鸚鵡前頭不敢言如此沉吟差堪共語

踏青

吳綺

啼鶯聲喚垂楊吹得青。撩亂雲烘曉色陰晴半。正好閒遊油壁  
西陵畔。鬪草圍亭招女伴。藕絲斜露黃金蒜。踏青鞋子遮人  
換。猛避兒郎錯教桃花絆。

綉碎情景寫來如見

春日卽事

錢華

曉簾紅濕苔痕點。點粘遊屐。賣花人叩柴扉急。試問誰耶帶雨  
提花入。床頭自笑鬢羞澀。生前應與花相識。逢春漫把春風  
擲。烟草淒淒盡是愁中客。

與陳仲醇帶雨拖泥花辨埋雙屐並稱幽詭

讀天寶遺事

王士禛

風流堪借沉香亭下雙鸚鵡長生殿裏如膠漆別院梨花偷試

寧王笛漁陽戰鼓驚相通馬嵬古驛羅衫濕秋槐落盡空凝

碧殘月華清何處人行跡唐人詩行盡江南數十長生殿裏

程殘風曉月入華清三語微譏

冷諷不堪使三郎聞得然張

閒戲

董元愷

鳥歌花舞倦人天氣槐陰午悶來自照春山牕却有誰過花下

呼鸚鵡女伴相携人四五鬪完芳草翻棋譜愁時笑拔金釵

賭些事關心輸却釵雙股贏了便覺典盡輸却可思○阮亭云直得雙金所謂敗亦可喜

春閨

徐然

繡幃清曉粧成斜貼花鈿小背人細語聲傳悄恨東風何事  
吹春早 曲曲花欄香逕遶含情頻向花前笑黛眉欲鬪春山  
巧笑倩郎描回就郎身抱

遣情運句自然流倩  
以擬南唐思過牛矣

席上

黃京

朱奈粉弱羅香滲拂新梳掠撩人全在與人謔酒沁紅腮強把  
金尊却 秋波偷送今宵約芳情又怕人知覺乍涼不耐衫兒  
薄佯拍伊肩倩剪燈花落

與劍雲間催唱新詞不  
應頻搖手意態宛然

梅花引 一名貧也樂

病蝶

張俞

曉雲空曉烟濃樹底殘香飛散通落花紅落花紅睡損棠梨芳

心一片慵。粉香褪後。班衣折漆。園好夢憑誰歇。病何從。病何從。不爲春傷多。因團扇。風如風。羞雨。故宜有此。

夜遊宮

雨中歸棹

宗元鼎

百里桃花盡落。嘆細雨斜風輕薄。堤上人家休掃却。一枝枝向愁腸消寂寞。村酒筵窗酌。空望絕江天漠漠。柳絮無情柳帶弱。又黃昏路難行何處泊。  
滿地落花閒不掃。當爲我輩替消寂寞。

河傳 第十四體

夜聽檣衣聲

鄒祜謨

溶溶白月。環環紫蛺。紛紛翠雪。萬斛臙脂瀉。拚一色銀河。擣清

砧聲續絕。金魚鎖斷。一似繁筆急。又似愁蠶噓。戍管梅花癡。  
龍渴鳳孤飛。怨涼蟾星欲滴。

阮亭云銀床金井如聞其聲

踏莎行 一名踏沙行

繇黃牛峽至淨江途次作

俞彥

一水盈盈親朋友。待那知尚滯黃陵界。楚天盡處是夷陵。黃陵  
又在夷陵外。人鮮甕甜鬼門關。隘虎頭狼尾灘。形怪夷陵盡  
處是黃陵。淨江又在黃陵外。

阮亭云兩結語呼應章法絕妙

中秋

劉榮嗣

何處鐘殘。誰家杵急。堦閒露冷風蕭瑟。浮輪盡掩月輪孤。明河  
半減長空碧。蟋蟀微吟。秋棠暗泣。衰翁無語搔頭立。可能乘

與上南樓還將一醉酬今夕

彙盧德水評司空詩云有一種異香非沉水非迷迭如石如玉

不烟不火讀此詞亦復淡寫空描花明玉淨昔人謂陳簡齋無任詞語意超絕可摩坡仙之壘僕于簡齋集亦云

轉憶

張一如

轉憶千端都成一慨鶯花天外鶯花界柔苔空蘸蝶裙香  
淒風不遜鶯笙派 怨滿尋歡多離覓愛鴛鴦牒上鴛鴦債  
恩情是海已難填團圓似月猶教壞

月壞見盧全詩

鶯花二句遙對格奇奇及險刻詞中樵說也

送春

龔鼎孳

亂絲迷烟殘英墜雨東風不肯留春任問春尚未到天涯玉驄  
只索花邊去 羅襪凝香紅茵沾絮春歸料是春來處黃鸝強  
要訴花愁夕陽催上相思樹

春歸料是春來處多少送春詞都被一語抹却



九日登雨花臺

錢棻

碎石依苔危沙養樹。雨花却也如風絮。蕭家天子聽經來而今。  
攸豎登高處。古澗尋聲。遙鐘引步。幽人杖入天花路。孤情延  
望接荆吳。白門自昔多烽戍。

阮亭云下場頭每事如此皆之徵用

春闈

李標

硯點飛花簷。沾弱絮。爐烟小。誤湘簾。暮春風不解。動人情。人情  
怕送春歸去。細草粘天斜陽掛樹。天涯離別人何處。休休莫  
更倚危欄。遠山正是愁來路。

神韻  
令古

春寒闌恨

陳子龍

墻柳黃深庭蘭紅吐。東風著意催寒去。迴廊寂寂繡簾垂。殘梅

落盡青苔路。綺閣焚香。閒塔微步。羅衣料峭。鶯啼暮。幾番水  
雪待春來。春來又是愁人處。

阮亭云春與人有何恩  
怨此中索解人不得

秋雨

李雯

涼館清深。巧雲逃散。絲絲不斷。如春線。傷心無奈。急迴風。桂花  
暗落無人見。香稻低天。芙蓉踈岸。離離又濕。江南雁。芭蕉清  
聽。歷空堦。情人似隔瀟湘遠。

滿紙  
秋思

早秋

徐遠

零雨初收。金波乍轉。搗衣雙袖。臨風捲。銀床薜蘿。陡生涼。遲眠  
且撲流螢扇。草綠長門。荷殘別院。如絲情緒。如雲亂。無端蟋  
蟀響西堂。井梧葉葉關心顫。

阮亭云此顫字  
與南唐競美

春寒閨恨

宋徵輿

錦幔銷香翠屏生雨粧成漫倚紗牕住一雙青雀到空庭梅花  
自落無人處回首天涯歸期又誤羅衣不耐東風舞垂楊枝  
上月華生可憐獨上銀床去

紫府參差青楓開落  
絕不似人間境界

冬懷

李昌垣

翠幕烟沉珠簾月小枝頭未雪梅開早凭闌無計遣新愁亂鴉  
飛盡歸鴻杳霜杵敲寒風燈破曉漏聲滴盡鐘聲悄香殘酒  
醒不成眠流蘇好夢天涯少

學士諸詞運澹思於醜彩古  
人所謂蓮子結成花自落也

園居

錢茶

涼雨新生竹稍微動簾前驚醒鸚哥夢小紅數點逗溪香殘陽

一抹閒漁弄。棄世君平灌園齊仲開。驅烟墨元和宋秋懷窄。  
窄浸林泉愁腸卻共雲山凍。

萬卷徒空一丘儘足寒園但種千竿竹蒼陰深處掩高參黃鸝。  
叫遍山頭屋。壁挂稽琴村疑阮曲白雲邀我同歌宿幽花繞  
砌不知名盈門秋水添新綠。  
兩詞善寫幽曠正如張蘆川與葉子謙倚笛相和時

秋思

郭輔畿

紅樹濃烟碧蘆瘦響紗窗日映茱萸網輕羅扇子怕寒蛩伊來  
入耳儂辭掌。珠露催涼金風薦爽遊鴻窗外飛成兩偏教入  
骨有新愁原來秋在心兒上。  
谷署嶺南奇士詞有別致宜與琴張子有水乳之合

春閨

王庭

曲徑迷苔小池明練春風誤入深深院飛來多半是桃花却教  
相見羞人面怨徹銀箏香消金釧池邊故故飛雙燕愁來只  
自倚樓看闌干十二相思遍

阮亭推服方伯五言逼真韋左  
司此詞亦不下黃鳥幽蘭之什

長溪

朱 灝

雁盡平沙閒花落草長溪一帶秋枯了征雲幾裝樹頭黃蘆衣  
月下臨風縞楓葉紅餘曉寒烏攪池頭木末天如倒山光半  
响幻晴陰隔林送梵昏黃老

阮亭云宗逸詞本  
纖陰此差不惡

閨情

賀 裳

楚楚宮眉盈盈笑顰鞦韆懶蹴心情怯行來窗下弄霜毫無端  
揚得雙蝴蝶儂見猶憐耶知定竊密藏僻貯防偷奪待將人

靜體佳時調鉉細細添花葉

阮亭云大是林下風味

春閨

徐爾鉉

眼底根苗眉間活計，一生膏盡開滋味。啼鶯也似怕人愁，  
腳花飛過牆東去。小雨淹春殘燈挑句，關心斷夢尋無處。  
朝來女伴到窗前，烹茶却懶留他住。

阮亭云唐人無事合閒夢臨川曲料多情造夢兒還去不遠可

與微

余

雨倩花香風扶柳軟亂分春色，無人管愁來日日上西樓。  
湘簾未捲斜陽晚，酒壓羞眉詩牽淚眼，相思忽到難遮掩。  
人言路遠是天涯，天涯可比殘更短。

阮亭云真少游矣

避地

沈淀

梧子猶青。楓林未赭。日翁爭候吹幽雅。山厨禾飯等胡麻。鷺看  
野燒殘陽下。院宇深沉。琴樽瀟灑。白榆歷歷真堪把。終南何  
幸在人間。人間偏說終南假。

是紫溪白  
嶽中入語

寄曾道扶魏子存

王士禛

芳樹秦城春流蜀棧。蠶叢西望愁無限。銅梁閣外杜鵑啼。嘉陵  
江上行人倦。遠道紫紵春光婉。婉錦江魚香淮南雁。去時楊  
柳不勝鴉。青青又滿隋河岸。

黃山谷黃雲苦  
竹詞無此妥秀

秦淮清明

烟雨清明。煙花上巳。樓臺四百南朝寺。水邊多少麗人行。秦淮  
簾幙長干市。暮地愁來。干卿何事。梁陳故蹟消魂死。禁烟時

節落花朝。東風芳草含情思。

樓臺四百南朝寺。從北牧之南。朝四百八十寺。來化板爲活。見

壺鍾之妙。○干卿

何事成語活脫

醉後作

屈子離騷。史公貨殖。直須一石情騰。醉胸中五嶽。不能平。何人  
解識狂奴意。修竹彈文。綠章封事。聊將筆墨。供游戲。茂陵若  
問馬卿才。飄飄大有凌雲氣。

離騷貨殖並稱何等。塊壘直須以酒澆之。

和雲間諸公春寒閨怨

芍藥紅酣。麝蕪碧聚。羅幃難把春寒護。知他何處送愁來。春來  
却是愁來路。鶯燕多情。芳菲易度。纔消幾陣黃昏雨。朝來不  
忍捲簾看落花。片片辭人去。

婉伏圓情。湘真海閨諸。君子亦當抽扇卷草。



燕補新巢。花開舊樹。經時不到南園路。水精簾額。又斜陽風前。  
陣陣飄香絮。已怕春來又愁春去。錦屏繡幙。留春住。爲誰僞。  
僞爲誰憐。紅顏半是青春誤。

柳枝圍扇。桃葉釵頭。  
當令曼聲以歌之。

### 咏鏡

香壓彤奩。光迎羅幌。圓冰背結盤螭樣。一泓春水。碧如烟。誰教  
移向粧臺上。脈脈相看。盈盈難傍。影娥池畔。憑欄望。粧成雙  
鏡。照明簾。芙蓉並蒂。波間漾。

唐天游。搃玉團香塗。雲抹月之  
句。觀此清新。便覺而日倍父。

### 春半

楊大鯤

綠重平池。紅飛清晝。倚闌人別花時候。小桃無語。對人愁。垂楊  
欲舞。和腰瘦。燕子初歸。海棠齊透。疎雲帶雨。鳴鴛。甃重門。溪

鎖碧窗虛。去年春恨依然又。

阮亭云清婉似六一居士詞中正派

春寒

陳維崧

翠掠天寒。蘭缸風細。梅花簾外閒還未。朝來春雪慣縈人。香綃  
渾是無情思。金鴨誰溫。水沉空費。亂紅疊盡吳綾被。莫將春  
恨倚高樓。樓高烟雨迷離至。  
仙人每好樓居  
當是忘情故耶

晏起

睡暈痕微。香雲綠縹。羅衫慣落朝烟後。起來慵倚小屏山。玉葱  
怕縮丁香扣。寶裊脂濃。翠衾酥透。一鈞紅襪生消瘦。強將春  
恨捲流蘇。春光正到濃時候。  
阮亭云其年詞如玉樓金埒春色駘蕩

春閨

計南陽

曉閣深深開庭悄悄果成翡翠人歸香輕寒初透越羅衫梅花  
開傍妝臺早。荳蔻含芳丁香結小數來十二闌干好東風吹  
起玉人思思長應似堦前草。

阮亭云猶帶羅裙色青  
青向楚人妙未至此

恨情

沈謙

竹葉香絲蓮花金瓣月華初滿花頭綻縱然端正又風流十分  
好處無人看。鈿盒難分連環不斷相思還寄垂楊岸前生果  
是沒因緣如何空積愁千萬。

縱然端正二語是元十一所謂  
無力慵移腕多嬌愛歛躬非雙

文章不能當此○趙令時咏會  
真詞云端麗妖嬈亦是此解

初夏

周積賢

弱柳烟殘小荷風定金丸偏惹桃花選背人枝上晚鶯啼與誰

獨立斜陽影。玳瑁簷橫。芙蓉帳冷。輕紅豈垂香。井滿樓粉。  
細與尋春。故將愁眼臨青鏡。  
阮亭云影字縹緲

暹步

章惟

殘月窺窗曉。風吹褶小。闌干外深深立。綠茵斜印。一鈎痕蓮花。  
半辨生苔色。梧影將寒。綺樓仍寂。一番虛步。差難入。今宵不。  
信妾曾來。香泥驗取。凌波跡。  
阮亭云一鈎羅襪行花陰之後故當有此

春暮

彭孫適

鶯擲金梭。柳拋翠縷。盈盈嬌眼。慵難舉。落花一夜嫁。東風無情。  
蜂蝶輕相許。尺五樓臺。秋千笑語。青鞵濕透。胭脂雨。流波千。  
里。送春歸。棠梨開盡。愁無主。  
張子野不如桃李猶解嫁東風詞。蓋謂其無理而妙。金粟落花。

二語愈無理則愈妙試與解人  
參之○阮亭云通體正復蘊藉

小重山 一名小冲山 又小重山△

重至金陵

龔鼎孳

長板橋頭碧浪柔。幾年江表夢，恰同遊。雙蘭又放小簾鉤。流鶯  
熟喚喚一低頭。花落後庭秋。蔣陵烟樹下，有人愁。玉簫凭倚  
賸風流。烏衣燕飛入舊紅樓。

阮亭云今與陳朱旗亭  
畫壁未知誰當擅場

憶昔

陳子龍

曉日垂簾掛玉鈎。鳳凰臺上客，憶同遊。笙歌如夢倚無愁。長江  
水偏是愛東流。荒草思悠悠。宮花飛不盡，覆芳洲。臨春非復  
舊妝樓。樓頭月波上對揚州。

阮亭云解識江南腸斷  
句只今惟有賀方回

除夕

李雯

樓上低垂翡翠簾。玉鈎紅袖內。隱春緞繡額。初教綵燕添梅信。  
早檢點鬢雲邊。香幙水沉煙。燈花凝絳蠟。不成眠。明朝春色  
上眉尖。須好夢。隨意卜金鈿。

讀此覺秋厓希儒除夕  
作俱邨夫子面目矣

宋徵輿

春流半繞鳳凰臺。十年花月夜。泛金杯。玉簫嗚咽。畫船開。清風  
起。移棹上秦淮。客夢五更迴。清砧吟塞雁。度江來。景陽碧井  
斷蒼苔。無人處。秋雨落宮槐。

阮亭云亦  
是極致

美人

王宗蔚

風動琅玕羅袖輕。紫鸞初繡罷。悄中庭。鳳釵微墮。玉波橫。雙鬢

影斜映月華明。香閣晚雲生。海棠春夢斷，訴流鶯、烟籠碧樹。  
澹金屏，無情緒。隨意理銀箏。

麗處字  
字能轉

### 湖上春遊

袁昌今

山遶平湖寺，遶山堤邊千柳樹。綠絲繁杏花嬌倚，玉闌干、秦樓  
畔。小鳥舞翩僂。紅粉整雲鬟，笙歌吹畫舫。漾青帆，酒旗撩亂。  
撲雕鞍，春色暖。芳草弄晴灣。

高竹屋平生似欠西湖債。花柳  
春風隘。與此同山盡春遊麗景。

### 春閨

張淵懿

日染花枝露欲收。輕攏殘鬢影不梳。頭曉風催燕出紅樓。敲翠  
羽閒語待簾鉤。無計送離愁。闌干空遍倚。幾時休。烟波搖蕩  
渡前舟。楊柳外春浪拍天浮。

道細景不厭瑣  
悉是填詞高手

金陵步芝麓韻

鄧漢儀

淮水橫拖柳線柔。曾聞簫鼓夜美人遊。一從好事斷香鈎。西窗  
月不肯勸梳頭。黃雨更深秋。怎禁桐葉下。一更愁。寒潮依舊  
繞城流。無人處。私倚闌江樓。

阮亭云與湘真幽  
蘭異曲同工矣

惜春

蔣會貞

無數遊絲裊碧空。飛飛雙燕子入簾櫳。桃花如雨夕陽中。風定  
處。芳草襯殘紅。何事最愁儂。留春春不任。小眉峯。輕寒不覺  
減香筒。人去後。長自揜簾籠。

清遠多風頗  
似滄浪翁詞

和湘真詞

王士禛

行雲如夢雨如塵。陵惆悵事最傷心。當年瓊樹照臨春。胭脂



井猶帶落花痕。芳草碧氤氳。舊時朱雀桁，幾回新青溪。休賽  
蔣侯神風景，換紅淚上羅巾。

夢裏秦淮清夜遊。銀墨檀板地。幾經秋。青溪如帶掌中流。三十  
山。山。山。木蘭舟。錦瑟伴。鴛鴦。春江花月裏。不曾愁。折梅何日

下西洲。音信斷。愁上闌江樓。郊僧施游青溪三莫愁桃葉爲

地阮亭憑吊流連如劉賓客咏企  
陵詩既得瓊珠諸人更無着筆處

惜分釵

代簡

程光祿

慵梭織。慵針緝。更慵垂露遊絲筆。顧庭槐。伐條枚。雕箇西番試  
與他猜。回回。鱗兒沒。鴻兒逸。梅兒不耐逢春驛。說他呆。又還

乖。棗子尖酸報與儂猜來來。

東方朔云來來者棗也

阮亭云亦奇當歸之意落思新巧

### 閨情

董以寧

人如玉。腰如束。櫻桃紅漲裙兒幅。寫些評語些聽步韻難工。險韻難成。生生。鬟低綠眉低。促吹簫。又下屏風。曲別時。盟見昔。

情呼儂有字。喚汝無名。卿卿。

研朱滴露喚汝呼儂我。不卿卿誰當卿卿者。

### 臨江仙

第二體

一名度院深深

同內人湖舫送春川。歐陽永叔夏景韻。龔鼎孳

誰遣風姨吹畫幟。晴湖蹴作濤聲。輕寒羅袖最分明。催花落盡。

此別太生生。薄福東君應自悔。一春雲幔風旌。雙蛾小皺。皺

紋。平夕陽無賴。不管鈿釵橫。

宗梅岑詩云翠羽日翻歌管部。紅燈春泊木蘭船。殆此時作耶。

夢起

王士禛

寶帳垂雲春夢足。銅壺滿盡金鸞。夢中消息去漫漫。心情無那。比似越梅酸。春事料量歸欲盡。閒愁酒病多般。碧城十二曲欄干。遊仙枕上。枉自寫齊紈。

心情無那比似越梅酸  
有心人讀之當爲淚下

臨江仙 第三體

秋典

錢光紉

酒谷頽然便醉視。田荒矣。憊耕不堪落葉兩三聲。病從秋後減。愁向雨中生。拊劍還歌白石焚。香復展黃庭。徘徊山寺。又鐘鳴。鴉啼歸晚。樹蛩語伴疎燈。

滌逸頗似  
唐于西

東坡引

席上

單恂

芙蓉勺好面腕弱嫌金串纔歌又笑輕遮扇珍珠初脫線珍珠  
初脫線 凭肩軟語還羞人看怕忒煞金樽滿見今怯酒紅潮  
遍教郎分一半教郎分一半

叠語輕俊微  
退元人口角

虞美人 第二體

春景

沈自炳

竹籬陣陣飛花雨樓燕啣香語孤雲細草小溪晴攀梅拾豆打  
流鶯短橋橫 楊花一似郎情薄相見還飄泊空餘三月斷腸  
春萬重山外楚江濱有行人

艷語俱自情  
景中生出

紅窗迥 第一體

入花叢抓髻

鄒祗謨

嫩小鬟花徑裏怕翠泥潮透照額鳳頭小履却被花姨調戲

放花稍相抵鬢撥難安飛蓬不理蟬翼輕施却向花姨微詈道

自來整冠避李怎援儂一倒梁簡文詩同安鬟裏撥異作額間黃撥者撥也以木為之形如棗核

用以鬆髻名曰髻棗蟬翼薄薄安髻也

七娘子

寄訊

鄒祗謨

海棠嬌影垂楊線杜鵑啼怨流鶯轉情語題箋芳容暹扇春風  
吹損芙蓉面唇珠懶上紅筵安眉烟淡掩青琴鈿楚楚堪憐  
僊僊堪怨迎風手執花枝顛阮亭云一幅美人圖字字傾城傾國